

Eius ordinis primus Magister fuit electus, vti
memoriæ proditum est, in castris ad urbem
Ptolemaida. Prussiam deinde subegerunt il-
li, Friderico secundo Cæsare. Et quum autis
viribus bella gessissent aliquandiu cum Polo-
niæ regibus, prælio vieti, fidem per iuslurandum
dederunt Casimiro Poloniæ regi, patri
Sigismundi. A primo Magistro usque ad Al-
bertum Marchionem Brædeburgicum, inter-
cesserunt triginta tres. Electus fuit anno salutis
M. D. XI. Per biennium graue bellum gessit
cum Poloniæ Rege Sigismundo. cum quo tan-
dem pacem facit, eique fidem dat, vt præcipuo
suo Magistratui, & Euangelii doctrinam susci-
pit, & mutato ordine Prussiam sibi vendicat,
& qui fuit antè Magister, iam de voluntate re-
gis Dux Prussiæ salutatur: & aliquantò post in
matrimonium dicit Friderici Daniæ regis
filiam Dorotheam, & academiam Conigspergi
(Montem regium vocant) instituit. Eo fa-
cto vniuersum ordinem in se concitauit. Nam
etsi Prussiam tenebat, ac Poloniæ Regis præ-
ficio nitebatur: tamen de communi consensu
Waltherus Cronbergus ei suffectus est, qui
priscum nomen atque statum repræsentaret.

LIBER SEXTVS.

*Lutherus
ad regem
Anglie*

DE scriptis aduersariis Angliæ Regis &
Lutheri suprà diximus. Quum autem in
terea quædam audisset Lutherus, quæ ad Re-

gis

gis laudem atque commendationem pertine-
rent, exhilaratus ea fama, demissè admodum
illi scribit, Non se dubitare, quin grauiter i-
psum offenderit edito libello: sed id factum es
se, non tam sua sponte, quam aliorum impul-
su. Quapropter orat, vt sibi factum illud con-
donet, vtque meminisse velit, quum sit mor-
talis, non oportere inimicitias esse immorta-
les. Monet, vt aures occludat calumniatori-
bus, & ad veri cognitionem animum adiiciat.
Non multò post, in eandem poenè senten-
tiā ad Georgium Saxoniam ducem scribit.

Angliae Rex accepta Lutheri epistola, ac-
cerbè respondet, inconstantia & leuitate illi
obiiciēs. Georgius quoque princeps Luthero
sic responderet, vt quanto ipsius flagraret odio,
facile posset animaduerti. Lutherus vbi Regis
Angliae responsum typis euulgatum legit, &
inconstantiam sibi vidit obiici, quasi de doctri-
na sententiam mutasset: quia non ad suam pri-
uatam, sed ad Euangelii professionis iniuriam
hoc pertinere iudicabat, plurimum sibi dole-
re ait, quod amicis gratificatus, adeò scripserit
ad eum demissé. Christiernum Daniæ Regem Christiern-
& coram & per literas non desissé rogare & nus rex
admonere, vt amanter scriberet, & illius præ-
dicata humanitate, spem fecisse, fore vt leniter
tractatus, puram doctrinam reciperet. Nunc
autem intelligere se quantum errauerit. I-
dem sibi accidisse in Cardinali Caietano, in

Georgio Saxonæ duce, in Erasmo Roterodamo: quibus omnibus amanter aliorum hortatu scripserit, nec aliud sit consecutus tamen, quam quod ferociores ipsos effecerit. Stulte famum ab se, qui pietatem in aulis Principum inuenire se putet, qui Christum querat, ubi principatum satanas obtinet, qui Ioannem Baptistam inter purpuratos inuestiget.

Fædus Gallorum cum Anglo. Quum in Hispaniam missi de pace legati, in quibus etiam erat Regis captiui germana soror Margarita vidua, nihil efficeret, Loisia mater, que rei summam obtinebat, muniendi sui causa, Britannæ Regem Henricum in suum foedum & amicitiam adduxit. Fuit hoc sub Augusti mensis exitum. Fœderis hoc primum caput est, ut & Turcarum impetus, & pestifera secta Lutherana profigetur, à qua non minus periculi sit quam à Turcis. Galliæ Rex quod pacis tractatio non successerat, acriori cogitatione ac sollicitudine perturbatus, in aduersam incidit valetudinem. Sed recreatus colloquio Cæsar, qui bene ipsum sperare iuberet, melius tandem coepit habere. Cæsar etiam apud se reputans, quam esset amissurus magnam prædam, si quid illi contigisset humani, ad pacem indies magis atque magis animum adiecit. Itaque decimo quarto demum Ianuarii die, de rebus omnibus Madricii transactum fuit: in eoque scripto, ter Cæsare quod pacificationis formulam continet, hoc & Galliæ inter alia cōmemoratur, Cæsarem atque Regem eò potissimum spectare, ut & Christianæ

M.D.

x x v i.

*Fædus in-**ter Cæsare**& Galliæ*

religionis hostes, & sectæ Lutheranæ extirpētur hæreses. Hac in pacificatione soror germana Cæsarialis Eleonora, quæ Lusitaniæ Regi Emmanueli nupta fuerat antea, despondetur Gallicæ Regi. Cæsar ei in dotem promittit aureorum millia ducēta, & quædam in Heduis loca, de quibus inter ipsum atq; Regem erat controværia. Rex Hispaniæ finibus egrediens, filios duos, Frâciscum & Henricum, valde paruulos, obſides ibi relinquit, vti cōueneras, & niſi paſta ſeruet, captiuum ſeſe denuo ſiſtere pollicetur.

Posthèc Germaniæ Principes, admodum frequentes, cōueniunt Spiræ, vt cōſtitutum erat. In his etiā fuit Elector Saxonie Ioannes, & Lantgrauius Hessiae Philippus. Cæſar is erant legati, Ferdinandus frater, episcopus Tridentinus Bernardus, Casimirus Brandenburgicus, Philippus Badensis, Gulielmus Bauarus, Ericus Brunsuicensis. Hi vicesima quinta Iunii die facto initio, quum indicti conuentus à Cæſare causam exposuiffent, hoc etiam addebant, Cæſarem imprimis velle atque mandare, vt ordinis communi consilio decernant, quomodo religio Christiana, & ecclesiæ vet⁹ atq; per manus deducta cōſuetudo, valeat apud omnes & integra permaneat. Quum iam ex omni Principiū & ordinū numero, certi quidā effent delecti, qui de his rebus agerēt, & in iis etiā Lantgrauio, Iacob⁹ Sturmio Argentinensis, & Cress⁹ Noribergicus, legati Cæſaris, ipsius literas da-

*Spirensis
conuentus.*

tas Hispali recitat. Earum erat summa, ne quid
ordinis in hoc conuentu statuant, quod vlo
modo sit contra veterem ecclesiæ morem, le
ges atque ceremonias, vtque suis in ditionibus
omnia constituant secundum edicti Worma
ciensis formulam. Nam illis priuatis actioni
bus nihil profici, sed errores atque licentiam
vulgj confirmari. Iis literis recitatis, plæraque
ciuitates, præsertim superioris Germaniæ,
quid ipsorum esset cōsilii scripto explicabant.
rogādum Cæfarem ut quando generale con
cilium coire non possit, permittat prouinciæ
Germaniæ concilium cogi. Quid si non pro
bet, orādum ut edicti Wormaciensis executio
nem ad concilium usque differat. Præter hoc
scriptum Principibus exhibitum, aliud etiam
obtulerunt. Eo queruntur homines egenos
pasim in ciuitatibus nimium grauari mona
chis: nec esse eorum ut onerum ac rerum om
nium immunitatem habeant Ecclesiastici. Fe
riæ etiam nimium esse frequentes. legem quo
que de ciborum deleitu sibi videri antiquan
dam, & ceremonias cuique suas ad concilium
usque liberè relinquendas, & doctrinæ Euangeli
i cursum nullo modo coercendum. Per
hoc tempus Turcarum Cæsar Belgrado pro
fectus, quum Danubium atq; Sauum trāsisset,
Hungariam rectâ petit. Itaque Ludouicus rex
missa rursus legatione Spiram, auxilia postu
lat. Ex Italia quoque certus tunc afferebatur

num-

Ciuitatum
Euang. po
stulata

Turca in
Hungariâ

nuntius, Clementem Pontificem ac Venetos, inito födere cum Rege Galliæ , qui nuper ex Hispaniis domum reuerterat, oppugnare Cæsarem. Post illud Cæsar is pronuntiatum scriptum , Episcopi nolebant in actione religionis progredi, & in hoc Cæsar is atque Pontificis tam graui dissidio, differendum sibi putabant. Quumque super eo grauis admodum esset inter delectos, qui religionis erant diuersæ, nata simulta, Saxo & Lätgrauius domū cogitant, & suis ut ad iter se se comparent, mandant. Eo cognito Ferdinandus & alii, quod vi derent magni rem esse periculi , si tempore tam exulcerato, & plærisque omnibus in huius conuentus expectationem erectis, non solùm nullo facto decreto , sed etiā magna cum animorum offensione discederetur, rationem ineunt vulnus hoc sanandi , & demulcis quorundam animis , ita demum fuit decretum , ad constituant religionis formam & retinendā tranquillitatem opus esse legitimo, vel Germaniæ, vel publico totius orbis concilio , cuius intra annum fiat initium. Hungariæ quoque Regi decreta fuerunt auxilia. sed quo tempore dismissus est conuetus, quod erat sub exitum Augusti mensis , iam in Hungariam progressus Turcarum Cæsar , Ludouicum regem prælio superauerat, qui & in fuga periit.

Hæc æstate Cæsar in matrimonium dicit Isabellam Lusitaniarum regis Emanuelis f. iii.

liam, sororem Ioannis, qui patri successerat.

Quo tempore conuentus erat ordinū Spiræ, duodecim Heluetiorū pagi disputationē instituerant Badenæ. Venerunt eō primi nonii nis theologi pontificii, Faber, Eccius, Murnerus. Legatos verò mittebant Constantiensis, Basiliensis, Curiensis, Lausanus episcopi, quorum illi sunt in ditione ecclesiastica. Promulgata ibi fuerūt themata, quæ cōfidenter admodū defendebat Eccius. O Ecolampadius & alii qui dam hæc impugnabant. Zuinglius aberat, & cur eō non veniret, datis ad Heluetios literis explicabat, & Eccii dogmata scripto confutabat. Actionis hic erat exit⁹, vt in ea, quam hoc usq; seruassent religione, permaneant omnes, neque nouum ullum dogma suos intra fines ad mittāt. Fuit hoc sub finem Iulii. Constantiensis episcopus iam antea sacerdotē quendā, Ioannē Hugliū, Merspurgi iusserat cremari, quod pontificiū dogma non per omnia probaret.

Ludouico Pánoniæ rege miserabiliter extinto, Ferdinandus regnum sibi deberi pacto contēdebat. Sed aduersarium habuit Ioannem Sepusium, Vayuodam, Transylvanianū. Quo quidē ex dissidio, quū nobilitas omnis & ordines diuideretur, bellum fuit exortū, Germanis ac finitimis populis funestum ac exitiale. Nā Turcarum Imperator, suam in fidē atque tutelam postea recepit Vayuodā, & tradita Buda, Regem constituit, beneficiarum atque clientem.

Gallia

Vayuoda
Hugarus

Gallie rex ex Hispania domum reuersus, quas
 pactus erat pacis conditiones iniquas esse dice-
 bat, nec illis voluit teneri. Missis itaque legatis Po-
 tifex & Veneti foedus cum eo faciuit. Quoniam oc-
 cupata Buda cum bona Hungariae parte, & mise-
 rabiliter afflictis ibi populis, maximam a Turca
 periculum imminiebat, delecti Principes aliquot
 Eslinge, ubi tum erat Imperii senatus, conuen-
 iunt. Re deliberata placuit omissa deliberatio-
 ne Spirae decreta, per literas orandum esse Cæ-
 sarem, ut propter periculi magnitudinem atque
 presentiam, redditum suum in Germaniam ac-
 celeret. His rebus ita constitutis, comitium in-
 dicuit Ratisbonæ, ad sequentis anni Calendas M.D.
 Aprilis, belli Turcici causa. Mense Februario xxvii.
 Electoris Saxoniae filius, Ioannes Fridericus, Io. Frideri-
 in matrimonium dicit Ioannis ducis Clivensis cus Saxo
 filiam, Sybillam. Desponsa ei fuerat soror Cæ-
 saris Catharina, natu minima, confectis atque
 signatis ea de re literis. Quum autem religionis
 haec incidisset in Saxonia mutatio, discessum
 fuit a patre: & Cæsar's legatus Haunartus, qui
 tunc per Germaniam erat, aperte dicebat non
 esse fidem seruadam hæreticis, Constantiæ,
 opinor, concilii vestigia securus, ut quidem in
 scripto quadam Saxo commemorat. Erat Borbonius
 inter Cæsar's praefectos ac belli duces, Bor- Roman ex
 boniorum princeps Carolus, qui superioribus pugnat
 annis a Galliae rege defecerat. Is cum aliquot
 copiis Neapolim profectus, yrbé Româ ex iti-
 f. iii.

nere, postridie quām eō venisset, oppugnatio-
ne capit ac diripit, Maii die sexto. Clemens
Pōtifex & Cardinales ac reliqui proceres, qui
in Adriani molem vix xgrē profugissent, ob-
fitionem aliquandiu tolerabant, vndique cir-
cunuallati fōsis. Post septimum deinde men-
sem, mandatu Cæsaris liberati fuerunt. Quan-
ta fuerit militum Hispanorum ac Germano-
rum atrocitas & insolentia Romæ, verbis ex-
plicari vix potest. Nā præter horrendas lanie-
nas, direptiones, libidines, deuastationes: cō-
tumeliæ ac ludibrii genus nullum in Pontifi-
cem, Cardinales reliquāmque turbam præ-
termissum fuit. Cæsar factum hoc diligenter
excusans, nullo suo mandato accidisse dice-
bat. Quum in Hispaniam esset allatus eius rei
nūtius, ilicō Cæsar iusserat cessare ludos atq;
spectacula, qua propter recens natum ei filiū
Philippum edebantur. Ad Ratisbonæ co-
mitium nulli venerunt Principes, & legatis
tantūm eō missis, nihil actum fuit. In hoc
tempore vigebat nouum doctrinæ genus eo-
rum, qui dicuntur Anabaptistæ. Paruulorum
hi damnant Baptismum, & rebaptizātur ipsi,
& bonorum docent cōmunionem. In hos scri-
psit Lutherus & Zuinglius, & alii complures,
& passim animaduertit Magistratus. Iactant
enim visiones & somnia. Et Sangalli quidem
oppido Heluetiorum, quidam eius generis, fra-
tri suo germano cervices atque caput abscidit

præsen

Rome di-
reptio

Anabapti-
starii secta

præsente patre atque matre, quibus persuaserat à Deo sibi esse iniunctum, vt id faceret. Venerabimur à Magistratu comprehensus, eandem & ipse pœnâ luit. Quomodo deinde creuerint, & quantum excitarint in Germania motum, in fratre docebimus. Hoc anno senatus Argentinensis decreuit, ne qui deinceps in vrbe se peliantur, & aliquot extra urbem loca, mortuorū sepulturæ constituit. Galliæ rex vbi de capta Roma cognovit, inito foedere cum Angliæ rege, validū mittit in Italiam exercitum, Lautrechus Aquitanus.

Lautrechus Aquitanus duce, vt Pontificem liberaret. Iulii die vigesimo septimo, Borbonia dux Carolus, in oppugnatione Romæ nuper mortuus, Lutetia damnantur à Senatu lessimæ maiestatis, deuouetur eius nomē atque memoria, reuelluntur insignia, publicantur bona.

Erat in Bauaria tuus Leonardus cognomen Leonardus
to Cæsar, Euangelii professor. Is Passauensis exustus
episcopi mādatu captus, ac damnatus pro hæretico, mēsis Augusti die decimosexto crematus est, iubente Bauaro principe Guilielmo, cuius iurisdictioni traditus fuit à condemnatione. Nam Episcopus, ne sacra scilicet pollueret, vel profanus, &, vt aiūt, irregularis fieret, de vita illius atque sanguine non pronūtiabat.

Suprà dictū est de disputatione Badensi. Bernates autem, quorum est in Heluetiis pricipuum nomen atque potentia, quum & disputationis illius acta non essent eis communicata,

Disputatione
Bernensis

licet flagitassent, & dissidia religionis augescent, disputationem aliam sua in urbe decernunt, edito scripto Decembris die decimaseptima, ad eamque finitos conuocant Episcopos, Constantiensem, Basiliensem, Sedunum, Lausanum, & ut ipsi veniant, suosque adducant theologos, monent. Alioqui multam denuntiat earum possessionum, quas in suis finibus haberent. Deinde suæ ditionis homines ecclesiasticos conscribunt, & ut in actione tota, veteris ac noui Testamenti scripture sola pondus & auctoritatem habeat, edicunt, & omnibus undeunque venturis eò, fide publica cauent. Hanc quoque legem statuunt, ut modestè, sine conuictis & iniuriis omnia fiant, & liberè suam quique sententiam dicant, & ita pronuntient, ut à scribis excipi possint cuiusque dicta. Quicquid ibi decretum fuerit, ratum atque firmum esse per suam ditionem omnem iubent. Et ut quibus de rebus agendum esset constaret, eoque venirent omnes paratores, themata promulgant numero decem, quæ ipsorum ecclesiæ ministri, Franciscus Colbus, Bertoldus Hallerus profitebantur, & sacris literis confirmare se velle dicebant. Quum his de rebus Bernates ad omnes Helvetios literas dedissent, hortati ut & suospsi mitterent, Lucernates, Vrani, Suicii, Unterwaldii, Tugiani, Glareani, Friburgen-
ses

ses, Soloturnii, prolixo scripto grauissimis-
que verbis hortantur, ut ab incepto desi-
stant. Nihil commoti Bernates, pergunto
& ad diem præscriptum, qui septimus erat M.D.
Ianuarii dies, actionem inchoant. Episco - **xxviii**
porum, quos antè diximus, nemo venit. The-
mata doctorum Bernæ ciuitatis defendebant
Zuinglius, O Ecolampadius, Bucerus, Ca-
pito, Blaurerus, & alii complures: oppugna-
bat autem inter alios primi nominis Con-
rardus Tregerus, Augustinianus, qui tan-
dem, quum aliunde quam è sacris Bibliis ad-
iumenta sibi quereret, neque præfecti dispu-
tationis permitterent, eò quod lege vetitum
erat, loco decessit. Exitus fuit disputationis
ad vigesimum sextum Ianuarii diem, & ea
quæ diximus themata, communis plurimorum
assensu fuerunt approbata: & deinde non Ber-
næ tantum, sed in aliquot finitimiis etiam locis
à Magistratu sancita, missis, aris atque statuis
vbique sublatis.

Constantienses iam antè quædā mutauere. *Constanti-
ensis*
rati: & quum scortationem, adulterium, & su-
specta vel parū honesta cōtubernia lege vetus-
sent, irati discesserant ab eis hi qui dicuntur
Canonici. Docebat ibi Ambrosius Blau-
rerus, honesta familia natus, qui monasticæ
professionis antè fuerat Alperspaci. sed quum
ingenio valeret, lectis Lutheri libris, alium
animum induit. Mutata religione Bernates

Galliæ regi foedus renuntiant, & mercennariam illam prohibent militiam, ea contenti pecunia, sicut etiam Tigurini, quam pacis collendæ causa, singulis pagis Rex dependit annuam. Abolitæ verò religionis pótificiæ diem & annum aureis literis in columnam inscribunt, vt testimonium apud posteros extaret æternum. Post disputationem Bernésem, imagines & aræ cum ceremoniis atque missa Constantiæ fuerunt abolitæ.

Geneuenses

*Genesia E-
nangeliūm
excipit.*

etiam Allobroges, in statuis remouendis atque ceremoniis, Bernatum sequebantur vestigia. Quapropter Episcopus atque cleris irati discesserunt ab urbe. Quum inter Galliæ & Angliæ reges cōuenisset, legatos ambo ad Cæsarem mittūt. quibus quum ex ipsorum animi sententia Cæsar non responderet, bellum ei per præconem etiam Anglus denuntiat. Gallo verò Lutetia datis ad eum literis, vicesima octaua die Martii, per publicum præconem, heraldos vulgo nominant, singulari eum prouocat certam ine, ac locum designari petit, vbi duello decertarēt. De Ferdinandi Regis, & Vayuodę Transsyluani contentione suprà dimicimus. Quū ea cruentum in bellū exislet, ac Ferdinandus potētia superaret, Vayuoda datis ad ordines Imperii literis, de Ferdinando acerbè cōqueritur. Sribit etiam ad Cæsarem, hortat⁹ vt fratrem cohibeat. Et ille quidē ad suæ causæ defensionem hæc edebat. Ferdinandus autem

rex

rex nitebantur transactione , quam Cæsar Ferdinan- Maximilianus, anno M. CCCC. XC. cum Hun- di ius in garis & Ladislao Rege fecerat . qua cautum Hungaria fuit, quod si Ladislaus absque sobole mascula decederet, ut tum Maximilianus & ipsius hæ- redes, recta linea descendentes , regnum illud obtinerent. Quum ergo Ladislai filius Ludouicus esset extinctus, non relieti liberis, Ferdi- natus, qui & Maximiliani esset è filio nepos, & Austriæ princeps , & præterea Ludouici so- rorē haberet in matrimonio, iure sibi regnum illud deberi confirmabat. Lantgra- Hoc ipso tempo- uui & sa- re Lantgrauius Philippus, & Elector Saxonie, xon. appa- conscriptis copiis ad bellum spectabant. Eius ratus autem rei hæc erat causa. Iureconsultus quidā Otto Paccius, nobili genere natus, per occasio- nem colloquii Lantgrauium admonuit, vti suis rebus prouideret. Nuper enim Ferdinandum, Brandenburgicum, Georgium Saxonem, Ludouicum & Gulielmum Bauaros, Mogun- tinum, Salisburgensem, Bambergicum, Wirci- burgensem, iniisse foedus, ipsius & Saxonie Prin- cipis Electoris, & opprimendæ causa religio- nis. Fidei verò faciendæ causa, confœderatio- nis exemplum exhibit, archetypum quoque pollicitus . Dum copias illi parant, intenti e- rant omnium animi quorū hoc exiret : nam cause vulgè ferebantur variæ, sicut fieri con- siveit. Quum verò iam ab omnibus rebus es- sent instructi, Lantgrauius cœpit agere cun-

stantius, quod Paccius archetypum exhibere non posset, vti promiserat. Intercessione demum Palatini & Treuirensis Richardi, discessum fuit ab armis. Calendis Augusti mensis Cæsar datus Valoleti literis, Imperii conuentum indicit Spiræ, ad initium Februarii sequentis anni, religionis & Turcici belli causa: quò minus autem ipse veniat, per occupationes excusat.

Lautrechus in Italia Gallus post captam anchore superiori Papiam & Alexandriam, Bononiæ substitut in hybernis, & sub primū deinde ver progressus, Neapolim obseruit. Iulio autem mense pestis admodum vehemens, magnam exercitus partem absumpsit, & ipsum etiæ Lautrechum postridie Idus Augusti mensis extinxit, quum paulò autem sublatus esset Vaudemontius, Antonii Lotharingiæ ducis frater germanus, qui Regi militabat, ipse consequendi regni Neapolitani, quod Andegauensis familia, vnde genus & originem habent Lotharingi, sibi deberi confirmat.

Argentin. reformatio Quemadmodum à disputatione Bernensi, religio fuerit mutata multis in locis, dictum est. Proinde quum antea sëpe, tum hac etiam occasione Argentinensis ecclesiæ ministri, inter alios doctrinæ pontificiæ errores, missam quoque docebant esse cumprimis impiam, & ad summam nominis Diuini contumeliam pertinere. Quum autem Pontificii contrà docerent, exarsit contentio: quam se-

natus

natus facta collatione sententiarum , & aliqua disputatione finiri volebat . Et quum hoc impetrari non posset, edicit Pontificis , quoniam alteros impia docere dicant, neque tamen causæ cognitionem admittant , ne post-hac docendi munus usurpent . Episcopus crebris interea literis ac internuntiis monet & orat senatum , vt in veteri maiorum religione persistant . Senatus inuicem orat , det operam vt quæ pertinent ad verum Dei cultum instituantur : cætera verò tollantur & antiquentur . hoc enim proprium ipsius esse munus . Ille verò tametsi conuentum atque diem aliquando condixerat, eius rei causa, nihil tamen præstitit : sed senatum Imperii , qui tum erat Spiræ orat , vt suam auctoritatem interponant . Hi missa legatione admodum splendida, petunt ne missam abrogent : differant saltem usque ad Imperii conuentum iam breui futurum : atque ibi sua postulata proponant . nō se dubitare, quin æquum sint laturi respōsum . Legibus enim esse cautum , ne priuato Magistratu liceat rescindere, quæ cōmuni totius orbis consensu decreta sunt . Senatus ubi sui instituti rationem explicasset, legatos commodè abs se dimittit . Sed quum iam supra biennium ea res ageretur , & ecclesiæ Ministri instarent quotidianis concionibus , ciues etiam supplicarent : senatus conuocatis omnibus ex more, rem omnem ordine commemorat, & in utrāq; partē multis in mediū adductis, quod si

missam aboleant, quid à Cæsare sit periculi: si non faciant, quantoperè Deus offendatur, explicant, & cogitandi spatium ipsis largiuntur, & vt tributim collecti deliberent, petunt, quod deinde, quum rursus cōuenient, de communī voluntate atque consilio statuatur. Quum ergo venisset dies, eorum sententia, qui missam oppugnabant, superior extitit. Itaque fit decretum Februarii die vigesimo, suspendi missam oportere ac intermitti, donec aduersarii demonstrēt esse cultum Deo gratum. Hoc decretum & in vrbe ac foris, quam latè patet ipsorum ditio, senatus obtinere iubet, & per literas certiorem facit Episcopum, qui nō absque gemitu maximōque dolore se illud accepisse, & cogi patienter ferre, & quod sui sit in eo muneris, facturum se rescritbit.

Basilea verbum Dic admissit Annis nunc aliquot, Basileæ quoque magnum erat religionis causa dissidium: & senatus quidem decreuit tandem, vt eadem esset per totā vrбem doctrina, vtque de missis, que locis adhuc aliquot supererant, certo die palam habita disputatione, per suffragia decerneretur, quid in eo fieri oporteret. Pontificii autem nihil feciūs vrgbabant suum institutum, & aliquantò etiam acerbius pro concione notabant aduersarios. Et quoniam hoc illis erat impunè, plerique sic accipiebant, quasi primores illud non improbarent. Inter hæc nonnulli ciues, quibus erat mandatum, vt per vrбem cir-

*Missa Ar-
gention ab-
rogata*

*Basilea ver-
bum Dic
admissit*

circumiret, ac rebus omnibus prouiderent, in templum primarium ascēdunt. Ex iis quidā ha-
sta sua statuā alicuius diui reuellit, sic ut in ter-
ram delapsa, confringeretur. Hac autem occa-
sione in plures deinde manus iniicitur. Inter-
uentu verò sacrificorum, qui id egrè ferebant,
illi ne mandati fines præterirent, nullam mo-
uent ampliorem rixam, & abeunt. Quum eius
rei nuntius esset ad ciues in forum delatus, &
plenior multo quām res ipsa ferebat, ad tem-
plum euestigio mittuntur armati tercentum,
vt illis opem ferrent: nam esse in angustiis &
periculo dicebantur. vbi ventum est eò, iam il-
li discesserant. Ne verò frustra illuc itum es-
set, idola seu statuas ibi repertas demoliriuntur:
& progressi, reliquis in templis idem faciunt.
Ibi tum è Senatu quidam accurrunt, sedandi
motus causa. Ciues autem ad illos, Quod vos
totum iam triennium deliberatis an fieri de-
beat, illud nos, inquiunt, vnā perficiemus ho-
ra, ne propter idola vllum sit inter nos posthac
disfidium. Sic adēd Senatus eis omnia permit-
tit. Decretum etiam est factum, vt tam in vrbe
quām foris per ipsorum fines aboleatur Missa
cum idolis omnibus. Adhac ut in iis rebus de-
liberandis, quæ ad gloriam Dei pertinent, &
ad reipublicæ commodum, Senatus in poste-
rum adhibeat tribules, numero ad ducētos se-
xaginta, quorum vtatur consilio. Iis factis de-
cretis, lēti domum reuertuntur ciues: & in sta-

tuas tantum omnis desit iracundia. Tertio
Imagines exufte. die , qui tum erat cinerum dies , vt Pontificii
vocant, statuæ ligneæ distributæ fuerunt in ho
mines tenuiores, vt his ad igne vterentur. Quū
autem illi super diuidunda præda rixarentur,
ac pugnis etiam remi agerent , placuit exuren
das esse. Nouem ergo componuntur strues an
te primariam ædem , & inflammatae creman
tur. Ita nimirum casus tulit, vt quo die Ponti
ficii solent frontibus hominum inuergere
cinerem , ille ipse dies propter idola in cine
rem reducta, ciuitati fuerit latus atque iucun
dus. Februarii die duodecimo tribules illi,
quos diximus, a&t Senatus comprobant: alte
ra die per singulas tribus denuo iuratur , & a
micè disceditur. Paulò suprà diximus de
Conuentus Spiren. conuentu Spirensi , quem ad initium Februa
rii Cæsar indixerat: sed nō est ante id: s Mar
tii factum initium . Principes ac ordines ade
rant admodum frequentes. Elector Saxoniæ
Melanchthonem adduxerat. Principio cœ
ptum est agi de religione. Pontificii autem eō
spectabant, vt Saxonem aliósque Principes à
ciuitatibus dirimerent, ne qua esset inter i
psos consiliorum communicatio , neque vo
luntatis consensio. Et quoniam de Coena Do
mini non eadem erat omnium ciuitatum,
quaæ Principum sententia , spem illi concepe
rant se posse quod cupiebant efficere . Sed id
frustra fuit. Quum Heluetiorum ciuitates
dux

duæ longè potentissimæ, Tigrum atque Berna, consentirent in religione, Lucernates, Vram, Suitenses, Vnterualdii, Tugiani, qui præ ceteris erat huic infensi doctrinæ, fœdus cum Ferdinando rege faciunt. Imperii Senatus fuerat Spiram euocatus. Quumque ciuitas Argentina suum ed misi: set legatum Danielem Miegum, qui cum reliquis ibi consiliariis negotia publica de more tractaret, repudiatus à conseilu fuit, propter abrogatā nuper Missā, & non expectatum huius conuentus exitum. Eo cognito reliquæ ciuitates, quoniam ad ipsas etiam exemplum pertineret, intercedunt, & Imperii morem seruari petunt. Post multa de religione tractatione superioris comitii Spiren sis actio paucis repetitur. In eo nimis fuisse decretum, ut quantum ad Cæsaris edictum Wormaciense pertinet, ita se gerant omnes, quod sui facti ratione & Deo possint & Cæsari quoque reddere. Sed multos eo prorsus abutitur: & omnis ferè generis horrenda nouaque dogma sub hoc veluti prætextu & defendi & excusari. Nouum igitur fit decretū in hanc sententiam, Qui Cæsaris illud edictū seruarūt, dein- Spiræ de-
cretum.

cepit seruēt ad Concilium usque: Qui verò doctrinæ genus mutarunt, nec ab eo iam possunt discedere absque metu seditionis, ut ii sibi ternerent in posterum, nec aliquid præterea innovent adusq; Concilii tēpus. Adhæc ut pacem inter se colant omnes ordines, & religionis

causa nec damnum inuicem dent, nec alter
alterius ditioni subditos in suam fidem aut
tutelam recipient. Qui secus fecerint, pro-
scriptorum numero iubentur esse. Huic decre-
to sece opponunt Elector Saxoniæ, Georgius
Brandenburgicus, Ernestus & Franciscus Lu-
neburgici, Lätgrauius, Anhaldius: & Aprilis
die decima nona, palam cur non assentiantur
de scripto recitant. Et primò quidem superio-
ris conuentus decretum repetunt, quo sua cui-
que religio permittitur adusque Concilium.
Ab eo minimè recedendum, neque esse vio-
landa quæ tunc pacis retinendæ causa, post
multam deliberationem pacta fuerunt, &
signis atque iureiurando confirmata. Nam quod
nunc decreuerint, ut qui doctrinæ genus mu-
tarunt, neque sine turba iam illud relinquere
possunt, nihil innouent: id se non posse recip-
ere, nisi velint ei doctrinæ, quam vti piam at-
que veram hucusque profitentur, fidem ipsi
derogare, ac fateri, discedendum quidem ab
ea doctrina, si modò sine tumultu atque sedi-
tione fieri posset. quod ipsum quid esset aliud
quam verbum Dei, quod purum habeant ac
impollutum, abnegare? Quo sanè nullum ad-
mitti possit grauius peccatum. Huic Principum
deliberationi communicato consilio, primi
nominis ciuitates aliquot sece coniungunt, Ar-
gentina, Noriberga, Vlma, Constantia, Rute-
linga, Winsleum, Meminga, Lindauia, Cá-
podu-

podunum, Hailbrunum, Iina, Wisselburgum,
 Norlinga, Sangallum. Et hæc quidem est ori-
 gine nominis Protestantium, quod non solùm
 in Germania, sed apud exterias quoque gentes
 peruulgatum est ac celebre. Ferdinandus exces-
 serat iam è concilio Principum, antequam hi
 protestarentur, tametsi ut paululum modò dif-
 ferret, à Saxone fuerat rogatus atque sociis.
 Pòst appellationis quoque formulam Prote-
 stantes concipiunt, & edunt, in eaque rem o-
 mnem ordine commemorant: ac demum ab
 omni actione Spirèsi & decreto ibi facto pro-
 uocant ad Cæsarem, ad futurum generale, vel
 ad nationis Germànicæ legitimum Conci-
 lium, ad omnes denique non suspectos iudi-
 ces: ac simul legationem ad Cætarem decer-
 nunt. Non multo pòst Tigurini & Berna-
 tes copias educunt in Quinquepagicos (vti vo-
 cant) ipsorum hostes, de quibus paulo suprà di-
 ximus. Et Tigurini quidē editio scripto, cur
 ita faciant exponunt, & multas illorum recen-
 sent iniurias. Productis vtrinque copiis, & po-
 sitis castris, interuentu finitimorum, & Argen-
 tinæ quoque ciuitatis, cōposita res fuit, & dis-
 cessum ab armis. A Ferdinando missa fuerunt
 illis auxilia, quæ ad Rhenum usque peruenie-
 rint. Inter alia pactum fuit ne religionis causa
 bellum inter ipios esset, vtque deinceps à ma-
 ledictis abstineretur, graui constituta poena.

*Orig Pro
testantium.*

*Ciuale bel
lum inter
Helvetios.*

Gallia Rex, quum & liberorum suorum

g. iii.

statu, quos in Hispaniam miserat obsides, afferetur, & per Italiam infeliciter bellum gereret, amissio nuper exercitu atque imperatore Lautrecho, amissio etiam Andræa Auria Genuate, rei maritimæ scientia clarissimo duce, qui sub idem ferè tempus, quo Lautrechus mortem obiit, ad Cæsarem defecerat, restituta patriæ libertate, ad pacem animum adiecit. Itaque Cameraci, oppido Belgicæ, conueniunt Margarita Cæsarisa amita, & Regis matr Loisia, multique alii proceres, & pacem Augusto mense faciunt: & illud ante trienium in Hispania factum de Lutheranis decretum repetunt, ac denuo confirmant. reliquæ conditiones, partim fuerunt mutatae. Nam Burgundiam Cæsar Gallo permittit, si marem è forore suscipiat. Eodem tempore Turcarum Imperator Solimannus, à Ioanne Vayuoda solicitatus per Hieronymum Lascum Polonum, excellentis ingenii virum, in numero cum exercitu per Hungariam tendit in Austriam, & primariam eius regionis urbem Viennam ad Idus Septembres obsidet, & cuniculis rem agit, & qua parte mœnia subuertisset, acerrimè manus conferit. Sed quum milites praesidiarii Germani, quorum præcipus dux erat Philippus Palatinus princeps, fortissimè stationem defenderent, postridie Idus Octobris infecta, re discedit, multis hominum millibus in redditu partim trucidatis,

par tim

Fœdus Cameraci.

Vienna à Turcis lib-
erata.

partim in miserabilem ac foedam seruitutem abductis. Vayuodam autem abiens Budæ Regem constituit.

Nouum etiam morbi genus hoc anno Germaniam inuasit. Sudore pestifero correpti homines, intra vigesimam quartam horam aut exhalabant animam, aut si virus exudassent, valetudinem paulatim recuperabant, & prius quam de remedio constaret, multa perierunt millia. Malū hoc inde ab Oceano per omnem propè Germaniam peruersit, incredibili celeritate, velut incendium aliquod, longè latèque depascebatur omnia. Vulgò dicitur morbus Anglicus. Nam Henrici septimi Britanniae Regis anno primo, eadem lues insulam illam inuasit: & quoniam remedium erat in cognitum, ingentem hominum stragem edit. Fuit insuper hoc tempore frumenti ac vi ni tenuissimus prouentus. Per id tempus exulti sunt Coloniæ Agrippinæ Petrus Fliste dius, Adolphus Clarebachus, homines literati, quod de Cœna Domini, deque cæteris dog matis diuersum à Pontificiis sentiret. Fuerant antea sesquiannū & amplius eò, custodia deteti. Adolphus erat forma liberali, faciūndus & eruditus. Quimq; duceretur ad suppliciū, fidei suæ ratione explicabat, & Scripturæ testimoniis invicem sese confirmabat: ita quidē ut omnium oculi mentesq; in his hæceret defixi. Diximus ante de dissidio Lutheri & Zwinglii super Cœna Marpurg;

Sudor pestilens.

*Fliste dius
& Clare-
bachus.*

*Luther &
Zwingli.
Marpurg;*

Domini. Quum illud iam supra triennium agitaretur, & grauis esset dimicatio: multi, quibus doleret hac vna similitate consensionem impediri doctrinæ, remedium adhiberi cum primis optabant. Lantgrauius ergo cum sociis re communicata, solicitatis etiam Heluetiis, diem constituit quo Marpurgi conuenirent utriusque partis viri docti, deque summa rei placide conferrent. E Saxonia venerunt Lutherus, Melanchthon, Ionas: Ab Heluetiis, O Ecolampadius, Zuinglius: Argétorato, Bucerus, Hedio: Noriberga, Osíáder. Multi aderant præterea viri graues ac eruditii. Solus autem Lutherus atque Zuinglius causam disceptabant. Sed quum illud quod dixi morbigenus eò iam peruenisset, abrupta demum actione iussu Lantgrauii, sic conuenit, Quandoquidem in præcipuis omnibus dogmatis idem sentirent, abstinentum esse deinceps ab omni contentione: & Deum orandum ut in hac etiam controversia lumen accendat, & concordia viam ostendat. Et ita quidem amicè discessum fuit initio Octobris. Saxoniæ Princeps & Lantgrauius in conuentu qui Spiræ fuerat ante triennium, foederis ineundi mentionem fecerant. Ea res in deliberationem deinde non semel venit: & iam potissimum hoc facto decreto cœptum est de illo cogitari vehementius, & tandem Smalcaldiæ conuentus indictus ad Idus Decembreis. Vbi iam Cæsar in Ita-

Fædus
Smalcaldi
cym.

Iiam

liam venisset, Erasmus Roterodamus, qui Basilea relicta propter mutatam religionem, & vitandæ suspicionis causa, Friburgum sese reperat, Ferdinandi Regis oppidum, Nouembri mense libellum edit, qui titulo quidem inscriptus est, Contra quosdam qui sese falsò iacent Euangelicos: re vera autem totum ordinem perstringit. Aduentante Bononiam Cæsare, Franciscus Sfortia profectus ad eum, intercessione Clementis septimi Mediolanensem principatum tandem recuperat.

LIBER SEPTIMVS.

Diximus antea Protestantes decreuisse legationem ad Cæsarem. Hi erant Ioannes Ehingerus, Alexius Fauentrutus, Michael Cadius Noribergensis. Duodecimo Septembris die admissi Placentiæ, ordine repetunt decretum imperii factum ante annum tertium, quod nuper alio decreto sublatum sit. Quod quidem si valere beat, maximæ sint ex eo turbæ nascituræ. Saxoniæ Principem igitur Electorem atque socios, & in iis adiunctas quoque ciuitates, palam tunc esse professos non se huic assentiri decreto. Rogare autem ne graui ter hoc ipse ferat: sed necessitati tribuat. Illos enim interea dum cogitur Concilium nihil esse admissuros, quod non & Deo sperent, & ipsi quoque posse probari. Cæsar decimo tertio die Octobris responsum dedit scriptum, ut il